




古492.30

864.1

部-9





16  
17  
18  
19  
20  
21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43  
44  
45



8130  
854.6

金石續鈔





金石續鈔總目

江南涇縣趙紹祖琴士手輯

卷一

漢郃君開通褒余道碑

永平六年八月書

漢孔謙碣

永興二年七月八分書

晉立太公呂望表

太康十年三月八分書

魏司馬紹墓誌銘

永平四年十月正書

魏齊郡王祐造像記

熙平二年七月正書

魏武德義橋石像碑

武定七年四月正書

隋立魏東阿王曹植廟碑開皇十三年正書

唐秦王告少林寺教武德四年四月正書

唐處士張興墓誌銘龍朔元年十月正書

唐奉仙觀造老君石像碑垂拱元年十二月正書

周武氏遊仙篇無年月正書

唐田義起石浮圖頌太極元年四月正書

唐涼公契苾明碑先天元年十二月正書

唐嵩州都督姚懿碑開元三年十月正書

唐曲阜縣修孔子廟碑開元七年十月八分書

卷二

唐易州李文安造石浮圖銘開元十年四月行書

唐楊將軍新庄像銘開元十二年十月正書

唐號國公楊花臺銘無年月正書

唐立周蜀公尉遲迥碑開元二十六年正月八分書

唐韓賞祭華嶽文天寶元年四月八分書

唐進孝經表并御批天寶四載九月表正書批草書

唐潘智昭墓誌銘天寶七載七月正書

唐金天王祠題名記乾元元年十月正書

唐李氏拙先塋記 大歷二年篆書

唐李氏三墳記 大歷二年四月篆書

唐光祿卿王訓墓誌銘 大歷二年四月正書

唐贈揚州都督段行琛碑 大歷十四年閏五月正書

唐會稽郡公徐浩碑 貞元十五年十一月正書


唐處士施昭墓誌銘 元和四年五月正書


唐奉義郎吳達墓誌銘 大和四年十月正書

唐錢本草 無年月行書

梁鎰東軍墻隍廟記 開平二年正書

右二卷凡三十二種男國楨校字





金石續鈔

卷一

江南涇縣趙紹祖琴士手



漢郾君開通褒余道碑

永平六年漢中郡以詔書受廣漢蜀郡巴郡徒  
二千六百九十人開通褒余道太守鉅鹿郾君  
部掾治級王宏史荀茂張宇韓岑等其功作太  
守丞廣漢闕二楊顯闕三始作橋格六百廿三  
闕大橋五爲道三百五十八里郵亭驛置徒司  
空褒中縣官寺并六十四所闕凡用功七十六

萬六千九百

闕二

字 瓦世六萬九千八百

褒余道一


碑自關中金石記出始顯於世惜鄙君用力于此道最先而不得與楊孟文俞傳其名字也此碑所言卽孟文碑至于永平其有四年詔書開余鑿通石門事而此言六年者詔下於四年而事行於六年也余釋此文有數字與關中金石記不同覽者當自得之嘉慶七年三月五日趙紹祖識

### 漢孔謙碣

孔謙字德讓者宣尼公廿世孫都尉君之子也幼體蘭石自然之姿長膺清妙孝友之行祖家業脩春秋經升堂講誦深究聖指弱冠可歷郡諸曹史季廿四永興二季七月遭疾不祿碣漫漶甚無一字明顯然無一字殘闕以隸釋對讀之皆可識故錄之碣云宣尼公廿世都尉君之子是宙之子融之兄也建寧二年張儉以鈞黨亡命融年十六今碣



云謙卒于永興二季自此至建寧二年正  
十六年蓋謙卒而融始生也趙琴士識



晉立太公呂望表

齊太公呂望者此縣人也遭秦燔書史失其籍  
至大晉受命吳會既平四海一統大康二年縣  
之西偏有盜發塚而得竹策之書書藏之年當  
秦坑儒之前八十六歲其周志曰文王夢天帝  
服元穰以立於合狐之津帝曰昌賜汝望文王  
再拜稽首大公於後亦再拜稽首文王夢之之  
夜大公夢之亦然其後文王見大公而訝之曰  
而名爲望乎答曰唯爲望文王曰吾如有所於

見汝大公言其年月與其日且盡道其言臣此以得見也文王曰有之有之遂與之歸以爲卿士其紀年曰康王六年太公望卒參考年數蓋壽百一十餘歲先秦滅學而藏於邱墓天下平泰而發其潛書書之所出正在斯邑豈皇天所以章明先哲著其名號光于百代垂示無窮者乎於是太公之裔孫范陽盧无忌自太子洗馬來爲汲合般谿之下舊有壇場而今墮廢荒而不治乃咨之碩儒訪諸朝吏僉以爲太公功施

於民以勞定國國之典祀所宜不替且其山也能興雲雨財用所出遂修復舊祀言名計偕鑿石勒表以章顯烈俾萬載之後有所稱述其辭曰

於鑠我祖時維大公當殷之末

闕

德元通上帝

有命以錫周邦公及文王二夢惟同上帝所命

若時登庸遂作

闕

膺寅亮天工肆伐大商克咸

厥功建國胙土俾侯于京奮乎百世聲烈弥洪般谿之山明靈所託升雲降雨爲膏爲澤水旱

癘疫是禳是禳來方禋祀莫敢不敬報以介福  
惠我百姓天地和舒四氣通正災害不作民無  
天命嘉生蕃殖闕二遠闕迄用康年稼穡茂盛

太康十年三月丙寅朔十九日甲申造

右晉立太公呂望表盧无忌撰八分書猶  
有漢意余前輯金石文鈔時取魏所立太  
公碑刻之固疑穆子容撰文而尚氏錄盧  
表于前不知僅刻其前半而尚有其辭曰

以下銘辭如許也余友崔雪堂繡官河南  
歸拓以見贈余喜而亟校之得竹策之書  
魏碑作竹策發其潛書書之所出魏碑書  
作盡皆大傷義理其他尚多異文闕字而  
此碑中斷其闕者亦藉魏碑補之則亦有  
功于此碑也嘉慶十三年三月七日琴士

趙紹祖識

碑後有八分書兩行云碑經斷裂卧棄府  
廨隙地汲學訓導李元漚請置學宮用脩

金石家錄錄峇嘉慶四年秋月也其下又有正書兩行云震按今郡城西北三里餘太公祠有魏武定八年碑列此表於前茲其初刻也尤宜寶惜因從季父移置學署嘉慶四年八月朔密邑李震跋二書細而刻淺余悲其有功于此碑而後人將不得而知之也因附錄之琴士又識

魏司馬紹墓誌銘

魏故寧朔將軍固州鎮將鎮東將軍漁陽太守  
宜陽子司馬元興墓誌銘

君諱紹字元興河內溫人也晉河間王右衛將軍  
選散騎常侍中護軍使持節侍中太尉公贈  
車騎大將軍儀同三司諡曰武王欽之元孫晉  
河間侍中左衛將軍贈使持節鎮西將軍荊州  
刺史諡曰景王曇之之曾孫晉淮南王祗書監  
選使持節鎮北將軍徐兖二州刺史晉祗流移


姚授冠軍將軍殿中尚書大魏蒙授安遠將軍  
丹陽侯贈平西將軍雍州刺史諡曰簡公叔璠  
之孫寧朔將軍宜陽子駙騎府從事中郎鎮西  
將軍略陽王府長史道壽之子君夙稟明頑纂  
承徽烈洪業方隆生志未遂以魏太和十七年  
歲次戊申七月庚辰朔十二日壬子薨於第以  
永平四年歲次辛卯十月癸亥朔十一日癸酉  
遷塋在温城西北廿里記之

遙哉遠稟緬矣鴻胥承符紹夏作賓於周貞明

代襲弈世宣流誕生夫子剡纂徽猷崇基方構  
嘉業始循蘭摧始夏柱折末秋感戀景行式述  
遺休

按魏書但云道壽長子元興襲父爵不言  
其名紹亦不言其曾官固州鎮將鎮東將  
軍漁陽太守也文雖但叙其先世官闕而  
元興之事無徵然其名與所歷官亦賴此  
傳矣又魏書與北史但言曇之爲司馬孚  
後亦不言其爲欽之子也書撰人不書名

而書法可觀嘉慶十三年十月趙紹祖識



魏齊郡王祐造像記

夫元宗冲邈迹遠於塵關靈範崇虛理絕於埃境若不圖色相以表光儀尋聲教以探妙軌將何以依希至象髣髴神功者哉持節督涇州諸軍事征虜將軍涇州刺史齊郡王祐體蔭宸儀天縱淑茂達成闕之通途識真假之高韻精善惡二門明生滅之一理資福有由歸道無礙於是依靈山之逸狀卽林水之仙區戡神像於青山鏤禪形於元石締慶想於幽津結嘉應於冥

運乃作銘曰  
 芒芒元極眇眇幽宗靈風潛被神化冥通舟輿  
 為本廣濟為功德由世重道以人鴻超觀神境  
 邈絕元風圖形泉石構室雲松闕入福田有慶  
 嘉應無窮 熙平二年七月二十日造  
 史作齊郡王祐今按碑作祐字書祐音郭  
 視也史云祐字伯授於祐祐皆無所取義  
 北朝書多別體然祐必不可為祐也

魏武德義橋石像碑

武德于府君等義橋石像之碑

夫梵燈遐麗長夜襲其明慧教洞開羣迷啓其  
 目是以神光未滅感膺於西胡金儀雖謝夢現  
 於東漢抑亦愍世多艱下生思土連濟貫心慈  
 悲注意歸依者塵霧莫侵迴向者雷電不撓信  
 是苦海之靈丹酷旱之甘露矣惟此區域号稱  
 舊闕舜禹懷譚之地殷周畿甸之土晉啓山陽  
 鄭錫河後紮趙稱罷入魏為鎮及秦吞六雄跨

金石錄卷一 碑一  
有四海罷侯置守一統九服項羽改名殷國漢  
高復立為魏自茲以還為河內下邑屬皇朝遷  
鼎卜食漳濱遂方割四縣在古州城置武德魏  
焉北通燕趙堂堂之風相合南引鞏雒穆穆之  
化其清西瞻軹塞則連山萬闕東注闕二則闕  
野千里長河帶其前大行環其後闕六舳艫之  
所湊集頗是一魏之要害實為三魏之達道若  
其沈浪雙吐丹絕並納勢等周原美齊陸海闕  
散成帷人縈若繡禮樂尚繁風儀未革然魏土

遼廓沁水橫流源自闕頭之山發於麻谷之口

滔滔

闕二

任紀懷方引漑過於鄭白流穢踰於

汾澮但波漸臺雉岸谷崢嶸揭厲多危往來受

害至於秋雨時降水潦

闕

驚馬牛雖辨公私頓

廢有岨乘車之義事切朝涉之艱宣威將軍懷

州長史行武德魏事河南于子建車騎將軍左

光祿大夫平臯令京兆杜護宗前將軍懷縣令

趙魏李同賓任西將軍州縣令扶風馬周洛矧

難將軍溫縣令廣甯燕景裕任虜將軍魏丞東



平呂思哲或分竹專城或擇木百里鵲起來官  
 共治民庶况同覩艱辛俱看危滯一物可矜納  
 隍在念敬思包鹿濟難之仁俯闕二字 龜報恩之  
 惠雖無武庫造梁之工術且慕沙陔訪津之慤  
 懃闕圖問俗便獲舊闕軌躅雖闕遺柱在日父  
闕二字 傳咸屬周時稱其板構與城俱廢乃於農  
 隙之月各率祿力闕四字 文武闕懷意願闕月六  
 日經始此橋助福者比肩獻義者聯轂人百其  
 功共陳心力至廿四日所闕三字 不煩遐邇荷擔

之勞未傷士民尺寸之木雖無匪日之美庶省  
 浹辰之費脩柱揭以挿泉華表鬱而軼漢紅闕  
 交架以闕二字 綺蘭聯綿而雲布引北山之饒則  
 人無遺力積南市之富而家有餘資昔伯度紀  
 功勒燕然闕二字 文淵闕二字 刻象林之銅作述之  
 理雖殊刊錄之情不異况四生躋駁同悲欣之  
 境十回還匝勁風電之力若不依歸寶闕三字 神  
 教遠擬彼岸之踰近取成務之言恐沮勸之道  
 未宣畫拊之功虛燼乃運石立碑敬鑄晷像窮

般闕之巧盡金鑿之飭使四部往來起歎慕之心六道奔趣譜風雲之會其詞曰

清虛回道正直為神有一於此用哀生民淵乎

大覺至矣能仁行成元吉德伏波旬其芒芒禹

績眇眇桓功為魚左社伏聽前風九州咸載五

等攸同分壇敷土俾侯樹公其美茲舊甸麗其

新邑彛帶山河苞苴源隰禮樂仍貫風徽猶績

青堇可剪黃流可挹其粵余承乏謬廁官方政

慙春雨威愧秋霜情深履席意等納隍慕彼醫

藥眷此津梁其渾渾沁水與道名川既難揭厲

又阻闕二爰始經謀義勸競填辰不再決斯構

已宣其落落大虛繞繞羣有來同聚沫去齊過

牖敬託三尊資彛四部闕構彼岸依悌可久

大魏武定七年歲次己巳四月丙戌朔八日癸

巳建

此魏于子建等造橋刊像記也子建行武

德郡事而率其屬官不費民財建橋濟涉

亦留心民事者其文有曰鵲起來官共治

民瘼則為頌美之辭而後又有粵余承乏  
 謬廁官方之言似又為子建等所自作何  
 也碑字多別體固其時則然而騰為驚阻  
 為沮又其異者武德郡置於天平初孝靜  
 為高氏所立遷都於鄴詔曰考龜襲吉遷  
 宅漳滏碑云屬皇朝遷門卜食漳濱遂方  
 割四縣在古州城置武德郡碑與史合也  
 嘉慶五年八月琴士趙紹祖識

隋立魏陳王曹植廟碑

王諱植字子建沛國譙人也洪源與九泉競深

闕七自闕興闕四興焉其後建國開基闕二周

室顯霸業於東邾彰茅封于譙邑瓊根寶葉蔚

芳蘭如莫朽軒冕相傳襲縉紳而不絕此乃脩

頌典册聊可梗槩而言矣逮承相參迺成王室

道勲隆重位登上宰受國平陽闕二厥後鳴鸞

佩玉飛蓋交映祖嵩漢司隸太尉公職掌三事

從容論道美著阿衡之任不亦宜乎父操魏太

祖武皇帝資神龍虎剖判鬱日開基名頌識謀  
謠敞真人火運告終土德承歷爰據圖錄享有  
天下驟改質文馳遷正朔英雄之氣益有餘矣  
昆丕魏高祖文皇帝紹卽四海光澤五都負展  
朝堂朝宗萬國允文允武庶績咸熙正踐昇平  
時稱寧晏致黃龍表瑞驗兆漳濱玉虎金雞恒  
綸宇竅王乃黃內通理愠淑哈英穀哲稟於自  
然博闕由於天縱佩金華以邁四氣抱玉操如  
忽風霜綴贍藻於孩年攝酋什於孺歲尋聲制

賦膺詔題詩詞彩照灼子雲遙慚於吐鳳文華  
理富仲舒遠愧於懷龍又能誦萬卷於三冬觀  
千言於窻見才比山藪思並江湖清辭苑苑若  
藜筍之蔚鄧林綠藻妍妍如河英之昭巨海武  
庫大官之譽握促之器者也但祿由德賞頻亨  
皇爵建安十六年封平原侯十九年改封臨淄  
侯都不以貴任爲懷直量清雅自得常閑步文  
籍偃仰琴書朝覽百篇夕存吐握使高據擅名  
之士侍宴於西園振藻獨步之才陪遊於東閣

皇初二年奸臣謗奏遂貶爵為安鄉侯三年進立為王闕京師面陳濫謗之罪詔令復國自曰懷正信如見疑抱利器而無用每懷怨慨頻啟頻奏四年改封東阿王五年以陳前四縣封復封為陳王以讒言數構奸臣內興十一年闕頻頻從滌汲汲無歡遂發憤而薨時年卅有一卽營墓魚山傍羊茂臺平生遊陟有終焉之所既如年代復遠兆塋崩淪茂響英聲遠而不絕至十代世孫曹永洛等去齊朝皇建二年蒙前尊

孝照皇帝恢宏古典敬立二王崇奉三恪永洛等于時膺苻表貢面奉照皇親訓聖詔比經窮討皆存實錄蒙勅報允興復靈廟饋嗣蒸嘗四時虔謁使恭恭嗣子得展衷誠之願梵梵孝孫長畢昊天之慕遂雕鏤真容鑄金寫狀庶使當三字按碑相度永劫而不泯七步文宗傳芳猷於萬葉者也其詞粵

惟王磐石斯固締緒攸長波連溟渤枝帶扶桑分珪作瑞建國開疆蔥樓菌閣遠邁靈光其器

調高奇風革梳朗談人刮舌靈虵闕二東閣晨

開西菌夜賞松華桂茂玉閨金響其聲馳天下

道冠生民才驚曠古德重千鈞混之不濁磨而

不磷如何一旦萎我哲人其山舟易失日車難

駐齋謝人間長遵堦路風哀松柏墳穿狐兔何

世何年還成七步其迺考惟昆鹿定洪基受圖

應歷運合紫微上辭皇闕永背象闕三日轉響

逐雲飛其大隋開皇十三年歲次皇下闕

此植十一世孫曹永洛等于北齊皇建二

年奉詔復廟至隋而始克樹石以紀成者

也碑云蒙孝昭皇帝恢宏古典敬立二王


崇奉三恪據史事在皇建元年而碑云二

年者永洛等於二年始得奉詔也碑正書

體兼篆隸而不爲工文更冗雜當時無學

術者之所爲耳碑以在東阿故人皆謂之

東阿王碑嘉慶七年趙紹祖識



唐告少林寺教

大尉尚書令陝東道益州道行臺雍州牧左右  
 武侯大將軍使持節涼州總管上柱國秦王世  
 民告柏谷塢少林寺上座寺主以下徒眾及軍  
 民首領士庶等往者天下喪亂万方乏主世界  
 傾淪三乘道絕遂使闔浮蕩覆戎馬載馳神州  
 糜沸羣魔競起我國家膺圖受籙護持正諦馭  
 魚飛輪光臨大寶故能德通黎首化闡縉林既  
 沐來蘓之恩俱承彼岸之惠王世克叨竊非據

敢逆天常窺覲法境肆行悖業今仁風遠扇慧  
 炬照臨開八正之塗復九寓之跡法師等並能  
 深悟機變早識妙因克建嘉猷同歸福地擒彼  
 兇孽廓茲淨土奉順輸忠之効方著闕庭證果  
 循真之道更宏像觀聞以欣尚不可思議供養  
 優賞理殊恒闕今東都危急旦夕殄除並宜勉  
 終茂功闕垂令範各安舊業永保休祐故遣上  
 柱國德廣郡開國公安遠往彼指宣所懷可闕  
 一二首領立功者來此相見不復多悉 四月

卅日

右太宗爲秦王時告少林寺僧教刻於裴  
 灌少林寺碑之上正書而世民二字行草  
 似太宗自署名也文云擒彼兇孽即灌碑  
 中寺僧執世充姪仁則以獻之事而都元  
 敬跋灌碑謂與教書不同又自云親歷而  
 不載此教何也余故著此於錄其裴灌碑  
 則已刻金薤琳琅中嘉慶九年八月琴士

趙紹祖識



唐張興墓誌銘  
 君諱興字文起南陽西鄂人也漢太史衡之胤  
 胄昔靈表西豐留侯建帷幄之策星移東井常  
 山興締構之功或師範萬乘照彰圖籍光臨千  
 里煥炳縑緗異動三台識司空之忠烈吟謠兩  
 穗表太守之仁明奕葉簪裾蟬聯珪組規矩重  
 疊代有人焉緬究遺編可略而言矣曾祖瓘魏  
 興州信都縣令絃歌不奏美化洽於一同鳴琴  
 日  
 太  
 宗  
 御  
 筆  
 書  
 於  
 此  
 碑  
 上  
 林  
 寺  
 僧  
 德  
 所  
 書

唐張興墓誌銘

大唐故處士張君墓誌銘

君諱興字文起南陽西鄂人也漢太史衡之胤  
 胄昔靈表西豐留侯建帷幄之策星移東井常  
 山興締構之功或師範萬乘照彰圖籍光臨千  
 里煥炳縑緗異動三台識司空之忠烈吟謠兩  
 穗表太守之仁明奕葉簪裾蟬聯珪組規矩重  
 疊代有人焉緬究遺編可略而言矣曾祖瓘魏  
 興州信都縣令絃歌不奏美化洽於一同鳴琴

金石錄卷一  
銘一  
詎張仁風清於百里祖皮周太僕寺主簿才能  
幹濟智略強明尋見辟除轉授瀛州河間縣令  
父才隋揚州江都縣丞輔弼風規俗流清化贊  
導名教邑致歌謠君亂係高華等琨瑀之良劍  
箕裘纂組若青邱之祥鸞義烈因心未資於典  
籍忠良天縱不假於規模崇有道之林宗慕無  
爲之李耳名利之所不拘榮辱之期混一弓於  
不應羔鴈無移道契虛元性苻高尚縱寂寥而  
賞趣持澹泊而怡神志道研精非邀鼎食窮微

盡要詎徇輕肥得性琴書吟嘯煙霞之表時談  
物義進退木鴈之間妙歎榮期高苻黃綺時遊  
三徑乍撫一絃以道義而爲尊輕蟬冕而非貴  
探蹟幽隱迥邁莊惠之機致遠鈞深遙鉗黃老  
之趣想秦晉之有迹見潘陽之代親遂婚於辰  
州辰溪縣令漢陽趙徽之女幽閑婉孌中饋聿  
脩懿淑溫和母儀庭宇君纂業成勞遇楊雄之  
痼疾淫書作察遭皇甫之沉痾氣擁膏肓疾纏  
腴理屬華他而不瘡見扁鵲而無瘳以貞觀廿


二年七月廿七日碎於私第春秋六十有二夫  
人趙氏碎於永徽四年春秋六十粵以龍朔元  
年歲次辛酉十月癸亥朔廿三日乙酉合葬於  
故鄴城西八里禮也面平原背漳浦左帶蕪城  
右連林麓刊茲元石紀以清徽勒彼鴻名光斯  
泉戶庶使青山爲礪表盛德而弥芳碧海成田  
闡嘉聲而不泯嗚呼哀哉乃爲銘曰 規矩重  
疊珪璋代映三台表異兩岐興詠人倫措摸搢  
紳龜鏡百代逾芳千齡彌竟道合幽元性苻林

螿迹齒滄波名流墓閣貴不充諷賤不殞鑊思  
巧雕龍光逾刻鶴有謂昇堂相期入室帷薄猶  
空繁華未實儼忽不幸咄嗟已失一棺既閑五  
事長畢茗蕘壘首巉峴山足露銷草翠風飛樹  
綠元門一掩寒燈無旭私壤式題眞芳載燭

右張處士墓銘事無足攷書亦不佳以昔  
人未有著於錄者特存之碑書虔爲虔或  
者以爲避虎字之故然唐碑書偏傍虎字  
或避或不避書虔字之首又何必避是未

金石錄卷一  
可解也嘉慶十二年十月趙紹祖識

銘三



唐奉仙觀造老君石像碑

大唐洛州濟源縣宗姓奉爲高宗天皇大帝於  
奉仙觀敬造太上老君石像碑

并序

懷州河

內縣主簿隴西李審幾詞

原夫巢燧土皇之代逃矣難詳胥庭太古之日  
悠哉莫紀研精甄曜空聞糟粕之言單思運樞  
詎見權輿之跡泊乎軒轡唐虞聖主也德未寢  
於闕戈禹湯文政明君也功尚勞於任戰爰及  
秦皇虐政漢高霸術區區曾馬之事業蕪穢緇

圖瑣瑣齊梁之聲教膏肉翠牀我大唐鑿乾開  
運出震乘時月照瑤光構顓頊之昌緒雲浮玉  
葉啓咎繇之慶胄高祖受元符而革命仰迪天  
心憲紫極以凝旒俯從人欲濡足闕念濟四海  
於橫流授手真懷振萬邦於炎岳息麟闕而開  
日月而曜貞明靜龍戰而叶陰陽二儀交泰文  
武聖皇帝功彌締構道冠財成風光玉理之符  
載挺珠衡之表初開鳳節已賦小言之詩既襲  
龜謀即用天橫之繇修文德而有苗格詎待七

旬運政略而獫狁乎匪勞六月大帝含樞降祉  
矐魄巫精景命列於河圖鴻名昭於洛字湛鵠  
居之化不肅而成凝穀飲之風不嚴而理憲五  
材而躋聖四時將玉燭同和齊七政以窮神六  
氣與金渾共順若廼重十家之產仍罷露臺輕  
千里之足匪登雲廡茅茨可以庇風雨無從璿  
室之奢陶匏可以合炎涼有戒玉杯之侈禁難  
得之貨詎惜雉頭絕遠方之物豈甘龍眼此聖  
人之淳德也設謗木待逆耳之謀懸諫鼓佇沃

心之誥元纁是用聘耿潔於邱園珪組斯班賁英竒於仄陋聞一言之善管庫無遺見一行之高興臺必採此聖人之任賢也麟膠鳳卵之野梯翠巘以混車書槐江稷穴之鄉舫紫溟而奉正朔蚩尤之弃楓木更若近郊番禺之流蒟醬還猶內府韋韝毳幕月支日逐之長削衽於藁街彫題鑿齒鏤膚攢髮之首髻頽於魏闕此聖人之懷遠也功格圓清甘露凝而景星出德通方濁蕙莢植而芝草生魚尾之禽既騫翥於阿

閣狼題之獸亦騰躍於平原金鼎不爨而自盈銀甕不汲而恒滿此聖人之休徵也江茅鄙黍表望幸之期紫籙青鸞昭告成之應採無懷之逸軌始勅宏儀據有熊之懿躅爰修大禮壇浮青氣映芝谷以氤氲封聚白雲帶松山而爛熳周王射牛之祭未足執爨漢帝訛麟之祠詎堪扶轂此聖人之昇中也豈言八駿之御未讌瑤池五龍之紀驟移璿律崦山驚景痛堯日之先沉夜壑飛湍惜舜河之奄竭

闕二

字

仰惟先顧闡

闕二之徽音皇帝嗣守隆基光武丁之睿道補  
天維而鍊采石彈壓媧皇踰地角而獻碧磬牢  
籠姬后洛州濟源縣宗姓前河陽令李儒意雲  
騎尉李公協騎都尉李德異等二百五十人去  
隴西而違故里冠冕之風尚傳就河朔而客他  
鄉箕裘之業無替譬夫長江巨海不乏虬龍沃  
野廣藪自多鸞鷖爰以霑濡渥澤家無雜派之  
勞沐浴湛恩門有蠲修之泰耕田鑿井荷亭毒  
之平分鼓腹含哺熹優游而自逸想攀髯於湖

邑戀德徒勤睠飛羽於泮林懷音何拯粵惟元  
元皇帝遠垂聖緒迥膺仙籙惟悅惟忽師友義  
農之際不皎不昧卷舒虞夏之辰乘日月而駕  
風雷攝鬼神而包天地推之於妙非常名之可  
名引之以真即上德之不德魯司寇之作者北  
面闕入室之徒尹大夫之真人西遊應出關之  
侶隆周季菜已求咨於五千皇唐本枝方延休  
於七百奉爲高宗天皇帝於奉仙觀敬造老  
君石像一座并夾侍二真人鏤琬鐫金寫黃中

之瑞色塗丹繪粉摹皓首之瓊容日角晨開義  
 和恧扶桑之景月弦夜滿望舒韜仙桂之暉精  
 誠感造化之功銳思得中元之力山連王屋即  
 是清虛之天邑帶福庭更似瀨鄉之地仙官待  
 衛紫煙開而鶴駕輕神媛歸依碧落淨而龍輶  
 遠所與蓬萊變海元元之永福長存竹箭移川  
 大帝之神功不朽惟金昭而玉粹俾天長而地  
 久乃為銘曰

粵若皇唐誕天明命瑤光襲社闕雲垂慶納麓

弗迷陟元惟聖隕綱更紐折柱還正其高祖光

宅聖文纂圖九瀛懷惠萬國來蘇捐金抵玉破

璽焚符糝糠陸栗草芥尊盧其惟皇題闕握契

循機含樞流氣曜魄分暉時凝卷領化軼垂衣

乾坤交泰書軌同歸其道冠登三功包得一斥

彼峻宇安此卑室獄靜棘闕荆寬艾鞞有缺斯

補無文咸秩其无穹劾祉黃牝輸禎月開蕤莢

雲覆芝英龜龍呈象麟鳳飛聲燕闕鏤績梁岑

告成其能事云備神功不宰奄陟九仙俄悲四

卷一 造老君石



海文物終謝英威如在至德方凝孝思無改其六  
 少卿遠襲元禮來昆俱迷帝力共沐皇恩號弓  
 瀝膽捧劍銷魂敬惟仙系邀福元門其七奇表既  
 開真儀式像五字見足千文曜掌日角晨融月  
 弦夜朗害馬已去闕龍可仰其八歸山曾鎮沅水  
 清瀾險疑闕谷流似渦湍既銘功而握槩亦頌  
 德以濡翰期翠石之永固庶鴻名之不刊其九  
 朝散郎上騎都尉瀘水沮渠智烈書 雍州富  
 平縣人趙文素鐫

垂拱元季歲次乙酉十二月壬申朔四日乙亥

下空一格  
闕四字建

此唐宗姓李儒意李公協李德異等二百

五十人於奉仙觀為高宗造老君石像碑

也碑有云闕二仰惟先顧闡闕二之徽音

皇帝嗣守隆基光武丁之睿道上二句當


為諛武氏語而為人捶去四字可見好惡

之公愚賤所同而下二句又似為睿宗元

宗得位之識亦異事也碑李審幾詞沮渠

智烈書儷語頗流利而書尤道健有法唐碑中之最佳者武字皆作或以合於止戈為武之義嘉慶六年十一月十八日琴士

趙紹祖識



唐遊仙篇

雜言 遊仙篇 御製 奉宸大夫惠薛曜書

絳宮珠闕敞仙家  
蛻裳羽旆自凌霞  
碧落晨飄紫芝葢  
黃庭夕轉綵雲車  
周旋宇宙殊非遠  
寫望蓬壺停翠幃  
千齡一乙未言賒  
億歲嬰孩誰謂晚  
逶迤鳳舞時相向  
變轉鸞歌引清唱  
金漿既取玉杯斟  
玉酒還用金膏釀  
駐迥遊而域排空  
闕 憇息宿志慕三元  
翹心祈五色 闕 儲本性  
諒難求瑩迹奇術祕  
元猷願 闕 丹 闕 賜靈藥方

金石錄卷之九

期久視御隆周  
末句云方期久視御隆周則此詩久視元年  
作而刻之於石者也武氏此詩不見於他書  
而古今金石家亦未有著於錄者故存之趙  
琴士識

唐田義起石浮圖頌

大唐易州石亭府左果毅都尉薊縣田義起石  
浮圖頌

詳夫釋氏大慈能仁廣運一揮惠劍則結嶽峯  
摧甃駕寶船則流海波息若迺豐牛步坦香魚  
登津福祉夙昭解行先備非功德修淨其有與  
于此乎浮圖主石亭府果毅田公者孝乎惟孝  
忠爲合德秉武胄文遊仁踐義富潤石室貨積  
銅山保性里閉榮足知止尊崇法門福求無上

奉爲七代先亡見存太夫人合家大小敬造石  
浮圖七級釋迦像二菩薩神王等一鋪尒其索  
寶幽谷獲珍崇巖異濟北之神期匪河西之馬  
瑞欵焉構迥不日而成狀雀離之從天猶多寶  
之湧地虬簷霧舉寶鐸風吟睟容如在神儀儼  
若昃朝日以舒鑿爍幽霄以放光伏願冥資先  
霑七代爰以昭祐慶及見存與惠日而長懸同  
定水之無竭贊歎功德而述頌云惟佛與佛法  
所皆空能仁富智廣度多功有清信士產積豐

崇擅波羅密琬琰雕龕輪高擢露鐸迴吟風睟  
穆如在與天地終福霑一切於何不隆 和州

歷陽丞王利貞文 太極元年四月八日建

弟燕州大雲寺僧智崇 妹明度寺尼護念

弟義冲陪戎副尉上柱國 弟義隆昭武校尉

上柱國雍州興國府右果毅都尉合家供養

其文有曰孝乎惟孝知唐人句讀未改漢

舊也頌文鄙俚不足錄而前有富潤石室

貨積銅山之言後題名有弟燕州大雲寺

僧智崇妹明度寺尼護念其富如此而弟  
 妹並捨去入空門案舊書姚崇傳云中宗  
 時公主外戚皆奏請度人為僧尼亦有出  
 私財造寺者富戶強丁皆經營避役遠近  
 充滿又辛替否疏云當今出財依勢避役  
 姦訛者盡度為沙門觀此碑知其非虛語  
 也嘉慶戊午七月趙紹祖識

唐契苾明碑

大周故鎮軍大將軍行左鷹揚衛大將軍兼賀  
 蘭州都督上柱國涼國公契苾府君之碑銘序并  
 肅政御史大夫上柱國婁師德製文左肅政  
 御史殷元祚書

原夫哲后時乘聖人貞觀必俟風雲之應以光  
 朝列尤資棟榦之材式隆王道若乃傑出文武  
 挺生才俊道符忠孝性闕清白高視於衮賈之  
 前獨步於韓彭之上彤響名教蟬聯簪組許史

金石錄卷一  
焉可儔金張莫能匹四海慕其風範千里仰其  
談柄玉質金箱探蹟索隱沒而不朽其惟賀蘭  
都督涼罔公之謂哉君諱明字若水本出武威  
姑臧人也聖期爰始賜貫神京而香逐芝蘭辛  
隨薑桂今爲洛州永昌縣以光盛業焉原夫仙  
窟延祉吞雹昭慶因白鹿而上騰事光圖謀遇  
竒蜂而南逝義隆繚簡邑但於是亡精鮮卑由  
其褊魄恤脣於前涼之境茂族於洪源之壑良  
史肅焉此可略而記也會祖哥論易勿施莫賀

可汗遙襲珪璜夙傳弓冶共棲梧而比翼與良  
玉而齊價濯如春柳勁逾霜竹英名振白山雄  
圖光紫塞祖繼莫賀特勤積代爲英傑之先光  
圖絢史保家爲名教之闕揆今超昔宏材膠葛  
洪源浩汗暎竹史而騰芬綴綿書而擅響父河  
力鎮軍大將軍行左衛大將軍檢校鴻臚卿檢  
校左羽林大將軍上柱罔涼罔公贈輔罔大將  
軍使持節并汾箕嵐四州諸軍事并州大都督  
謚曰毅公塋積膏腴門標英偉發言會規矩動

金石錄卷一  
容成措則學該流略文超賈馬威青海而安白  
道光三部而截九夷揆務機司爲羣寮之宗  
膺榮蘭錡成五戎之准的而鐘漏斯盡而贈崇  
班聿加千里之榮俄處六條之位哀榮之禮既  
洽朝野式瞻送終之典更隆縉紳翹德公赤野  
生姿青田矯翰家蓄古賢之操門傳高士之節  
率甫一歲稔上柱罔封漁陽縣開罔公食邑一  
千戶八歲起家稔太子左千牛十一稔朝散大  
夫太子通事舍人裏行十二稔奉輦大夫若夫

紫禁清規之所必擇賢而方稔玉階金闕之前  
實高門之闕處所以榮加髻卬澤及綺紈鳴玉  
鏘金光前映後乃人物之儀表實衣冠之領袖  
重以河山險要惟賢是居爪牙任切非親莫委  
麟德季中稔左武衛大將軍賀蘭州都督自非  
承家奕葉累代衣纓焉可內闕鈞陳外膺科舉  
者矣相府在藩爲涼州道元帥以公爲左闕軍  
摠管侍中姜恪爲涼州鎮守大使以公爲副然  
則朝端妙選實佇異能望重材高允膺僉屬後

以鼉海未清虵州尚阻戎車所及闕二英將從  
中書令李敬元征吐蕃公爲百海道經略使於  
是南討吐蕃北征突厥累摧兇醜勲績居多後  
狼山及單于餘黨復相聚結奉制討擊應時平  
殲前後賞勞不可勝紀改稭左驍衛大將軍襲  
爵涼國公食邑三千戶賜錦袍寶帶金銀器物  
雜綵綾錦等數千件稭長男崧三品以酬功也  
仍改爲燕然道鎮守大使檢校九姓及契苾部  
落公俶裝遠望赤水而前驅勁騎騰空指白

蘭而長驚左縈右轉八校於是爭先斬將擐旗  
三軍以之作氣遂得降綵言以隆爵命自而府  
而錫珎竒金貝咸紆繒錦交集列闕而光祖祚  
分茅以惠子孫策勲居竄又稭雞田道大摠管  
至烏德韃山南招降二萬餘帳縱使李牧寧部  
魏絳和戎推昔揆今當羣罔二尋稭右豹韜衛  
大將軍未幾復改稭左豹韜衛將軍并克懷遠  
軍經略大使又依舊知燕然道大使公高望重  
亟膺獎擢闕人之譽聞於朝野惟大周革命重



懸關二擢稭鎮軍大將軍行左關揚衛大將軍

餘並如故有制曰鎮軍大將軍行左鷹揚衛大

將軍兼賀蘭州都督契苾明妻涼國夫人李柔

順成姿幽閑植性聿關婦德每勤於關二叶贊

夫家必在於忠義既竭由喪之請宜覃賜族之

恩并及母臨洮縣主並蒙賜姓武氏公侯必復

河洛胄賢屬寶運之開基接仙潢而錫派忠貞

無替關二金氏表裏承恩勲高石窳復稭朔方

道揔管兼涼關肅瓜沙五州經略使度玉關而

去張掖奔置一生暇弱水而望沙場橫行萬里

幄中有策聞外宣威豈直操履冰霜固亦心符

筠玉名高一代氣逸九霄者矣既而司寇逝川

俄結頽山之恨將軍大樹行聞斷石之嗟悲夫

以堊塹元季臘甲廿三乙邁疾薨於涼州姑臧

縣之里第春秋世有六制曰悼往贈榮經邦之

懿典飾終加等列代之徽猷諒以褒德勸能念

勞追舊者也故鎮軍大將軍行左鷹揚衛大將

軍兼賀蘭都督上柱罔涼罔公契苾明理識開

三五契苾明碑

舉局量沉雄家著勤誠代彰忠懇早膺朝寵夙  
紹庭規秩峻銜珠寄隆賜鉞入叅巡警淑慎之  
譽必聞出綏藩落成惠之聲兼濟日繼不留夜  
舟俄徙未窮遠略奄謝昭途肅想嘉庸良深矜  
歎宜申殊澤式旌幽壤可贈使持節都督涼州  
諸軍事涼州刺史餘如故賜物三百段便於涼  
州給付所緣葬一事以上並令官供仍闕涼州  
都督府長史元仁儼監護仍令朝散大夫通事  
舍人內供奉邊懷秀弔祭既而居諸易遠宅兆

攸資金鳧泛泉玉鷄何且粵以大周萬歲通而  
元季歲次景申八<sub>甲</sub>庚午朔十五日甲申葬於  
咸陽縣之先塋禮也禮司謚曰公夙承門閥早  
踐通班茂績昭宣聲望顯著學該流略藝摠兵  
鈐以孝安親以忠奉國終始如一存沒不渝旌  
善易名宜彛典實按謚法寬樂令終曰靖請謚  
曰靖公惟公降淳粹而蓄瓌竒稟清忠而挺才  
望韶儀淹雅難窺於得失逸調清通不測其涯  
涘抑揚人傑彫績士林等桃李之無言若朱藍

之在性先仁而後已鄙利而尚賢亭亭有千尺  
之榦其高非易仰汪汪如萬頃之波其深不可  
測有碩學焉有令問焉擅非馬之雄辯蓄靈虵  
之雅作逸氣上煙霞之表高名振朝野之際五  
公七侯之盛僅可執鞭曜蟬鳴玉之榮纔堪捧  
轂如楊彪之承伯起若班固之嗣叔皮加以懸  
榻翹賢分庭接士衣裘鞍馬朝成夕費兼濟之  
性光映人物乃構厦之良材映車之名寶者矣  
夫人唐膠西公孝義之長女也齊輝婺彩擢榦

瓊枝莊敬率由於自然抑揚女史溫柔稟之於  
本性光輝內則既而雄劍潛鋒崩城起恨毀瘡  
逾於大禮攀髯泊乎剪髮夷夏足其悲哀搢紳  
增其慘戚屈已而遵女誠飭躬而宣婦道可謂  
承家稟訓執仁紱行者歟長子左豹韜衛大將  
軍兼賀蘭州都督上柱國涼國公聳次子右武  
威衛郎將上柱國姑臧縣開國子嵩右玉鈐衛  
郎將上柱國沓禾縣開國子崇等並早涉義方  
夙延庭訓孝心冥弊至德純深

闕

傷氣纏憂先

嘗空闕充窮盈感孺慕增悲棘闕由乎絕闕樂  
 毀幾於滅性可謂至道冠幽明窮途傷骨髓哀  
 號擗踴獨超前輩雖凶極之誠踐霜露而逾感  
 相質之重映古今而垂裕是用傍求翠琬式樹  
 豐碑家風祖德居然在斯用以光士行用以芳  
 本枝歷千秋方無斃經闕代方無虧銘曰  
 東井蒼蒼西土茫茫而開分野峯列封疆門多  
 英毅代產忠良偉哉人物紛乎典章其前涼後  
 涼乃祖乃父赫弈冠蓋蟬聯文武金箱玉質光

闕映輔至德符孝貞心翼主其可汗嗣立抑揚

流輩業盛闕昆道隆前肅遐邇欽挹夷夏欣戴

四海英髦共推貞槩其特勤垂裕搏風振翼孔

席申歡嵇松比直智水游泳仁山止憇討本尋

源斯標岐嶷其毅公雅節莫之與京既忠且孝

王佐人英研精流略損闕良平昭昭餘慶恤肩

膺榮其挺生異材韶季振響未盈小學亟承恩

將門閱易隆墉其難仰學行無歎名實逾廣其

露冕關河式清邊傲遽宣威德聿敷名教闕彼


三契苾明碑

夷落鎮茲襟要人場德宇窮微盡妙其綏邊寄  
 重尤資望族顯允奇材愔然嗣福外清荒憬內  
 膺榮祿搃戎之寄聲連秘牘其詵詵于隰屢警  
 邊城使闕躍馬槩闕揚旌橫雲列陣背水開營  
 未經千闕俄夢兩楹其駕不留居諸易促旋  
 悲闕珮遽傷埋玉松蔭隴芳均青草縈墳兮吐  
 絲式鏤貞琬以光勝躅其  
 先天元年歲次壬子十二月十六日辛亥孤子  
 息特進上柱國涼國公嵩立父碑

趙子函謂碑立於先天而仍稱大周革命  
 仍用武氏製字為不可曉顧亭林亦云碑  
 立於先天元年十二月乃元宗授禪之後  
 而碑猶用武后字不知碑實作且書於萬  
 歲通天之年至先天而始立之者也按此  
 碑為婁師德製文師德歿於聖歷二年在  
 武后時得不稱大周革命乎又碑末一行  
 記立碑年月字差小並不用武氏製字而  
 文中稱涼國公聳後言涼國公嵩立是立

碑時聳已卒而嵩襲封其非一時之事明矣子函亭林未之細攷耳新舊唐書何力傳皆云父葛而明此碑乃云祖繼舊唐書父葛繼為莫賀咄特勒然碑不應不書名新書但言明子聳襲爵而碑有次子嵩又有子崇皆賴以傳者也余向有是碑上段以其缺未著於錄嘉慶三年五月得全本於金陵市上其下雖漫漶而依文為義尚可讀因審定之而書其後趙紹祖識

碑功高望重書功作公先人而後已書人作仁仁場德宇又書仁作人皆好奇之過也按史載武后所製十二文壘而壘②因○南唐南蕭羣臣今碑書國作罔授作穉證作壘又他碑有書人作厓此碑人初作厓不作厓圖者然則當時所製其不止十二明矣趙繩祖識



唐姚懿碑

大唐故雋州都督贈幽州都督吏部尚書文獻

公姚府君碑銘

并序

朝請大夫秘書丞兼昭

闕二

學士上柱國胡皓撰

正議大夫行將作

少匠上柱國徐嶠之奉勅書

夫應順相成君臣有待豈不以叅庸

闕四 移地

為闕不可以不臨山川不可以不守於是開分

都野對又天人高爵命於儀刑大邕熙於品物

五侯九伯公實當之公諱懿字善意其先吳興

郡大姓明考以宦歷陝圻遂留家於硤石也昔  
 有虞惟舜其姓惟姚欽若神明蓋云祖始子孫  
 蕃邈而迨于茲曾祖宣業陳征東將軍吳興郡  
 公祖安仁隋青汾二州刺史遠圖膺錫大名垂  
 休父祥隋懷州長史檢校函谷關都尉煬帝誥  
 以武能守于天險高門晉燭何為賢之紛光哉  
 公都尉之季子毅烈昭融蓄大容遠藝工非習  
 學達無師燕雀闕知鴻鵠自若以待奮也年十  
 八屬亂隋無為羣盜生郊授公本縣令以先人

部曲少用輯寧太宗濟河聞公名密遣相闕公

闕於州將曰王充非主天命在唐宜速舉眾以

應義不闕恐貽後感因間道入謁高祖嘉歎者

久之乃降賜墨書金帛以此闔州離患太宗東

伐王充授鷹揚郎將長沙縣男水陸道摠管洎

賊平將舉籍議功有妄譖者云公曾通偽鄭因

見疑黜又以明略用多每為朋儕所忌乃築室

于硤石東北重崗之曲將以道德幽栖高尚其

事右二陝左二陵北河南陰南山北趾中養浩



金石錄卷一  
氣外衍遐風紫芝淹留未松不返俄而貶授晉  
州高陽府折衝都尉公抗疏自列謝病而退乃  
除常州長史亦堅以疾辭尋除硤州刺史累加  
銀青光祿大夫公舉六察按百城導齊江門茂  
育雲澤龍朔初叩蠻作梗乃除公使持節嚮州  
都督公正以馴吏嚴以蓄戎不罰而激不戰而  
服能以毀遠壽以哀遷啓全告終返真于始以  
二年十二月一日終于官舍春焮七十有三嗚  
呼哀哉以三年七月十三日藁葬於硤石縣安

陽公之原未備遷禮也公門傳孝義代蒙旌勝  
至若雞鶩家禽牛羊園畜互以相乳不限所生  
豈非明德繼修應形殊類也公青雲誰與白日  
相隣武傑文英幽深天理孝原忠極保合神庭  
餘力所存致心無害雖五善三變窮妙曲成而  
葺器迨時移官于位乃作藩翰以制要荒綏之  
以誠不以言震之以威不以暴遠夷交順羣物  
緝熙存立大功歿昭餘訓豈無明主而有遐遺  
命矣哉公初娶張氏李氏並早歿後娶劉氏

金石錄卷一  
累封彭城郡夫人則隋左常侍隆之孫唐襄州  
長史志達之女今紫微令崇故宗正少卿景之  
母也夫人于資福趾實受靈和四德待行三從  
及嗣祇先導後在闕成家二子少孤一門所恃  
長幼咸若禮訓所陶出有庶官入惟丞相乃敷  
皇極遂廣人和至矣哉蓋由內則有方外成其  
大而況乎衆姜羣婦罔或不宗於休夫人豈古  
之明達者闕以神龍三年正月八日終于洛陽  
慈惠坊之私第嗚呼遺令曰生以形累死以魂

遊然事尊在冥無遠不至何必合葬然後爲禮  
昔邴根矩沐德信並通儒達識咸以同窆爲非  
實獲我心當從其議無改吾志爾惟孝乎歿已  
可於龍門山外用爲窆窆與近家園以慰吾平  
生之好耳崇等謹遵遺旨以景龍二季歲次戊  
申九月庚寅朔十五日甲辰葬于萬安山之南  
陽令公純德佐時高堂生感永思不待長號罔  
極以爲東塋已畢西兆未殷占孝歲辰奏加封  
樹以開元三季歲次乙卯十月己酉朔十三日

金石錄卷一  
辛酉庀徒有作初景龍季以時宰先人特旨追  
贈幽州都督而神道貴靜元宅不移重廣冥域  
因成爲制天子於是乎昭寵大臣追崇舊烈又  
制贈吏部尚書諡曰文獻公命五品官一人監  
護賜米粟各二百石絹布四百端匹庶事官供  
特令優厚蓋念功悼存發榮而資哀者也版築  
相麗賁飾其儀豐不近奢薄不違儉名山大谷  
異勢盤紆密壙重墳靈祇式叙是惟幽極可以  
永安撰德昭文長垂不已銘曰

氏原德先裔裔縣縣曷時無雋曷位無賢重象  
曜質紛紛秩秩潔齊相亨休復于吉于闕伊何  
文獻非他我生則睟天爵云多粵有符彩寧施  
琢磨英圖烈烈利用峨峨瞻天歷象謁帝關河  
庸勛遠大錫命駢羅行行駟馬作藩荒闕二職  
吾人爲範陶均政閑誰黷時修物育陟遐未窮  
歸冥不復慈告式明卜宅離塋東畢西賁幽封  
大成尊尊孝子昭發家聲

開元三季十月十三日 朝請郎行武器署丞

仇敏直將作監朱暕劉祿鐫

嘉慶六年三月歛汪十三桂字古香者遣使索金石文鈔以五碑致余而來書曰倘有可著於錄者幸以名附余喜而亟展之則姚懿碑在焉懿唐宰相崇之父也按舊唐書名善懿新書列傳名懿字善懿惟宰相世系表名懿字善意與碑同當爲是懿葬於硤石而崇別葬其母劉氏於萬安山述遺令曰昔邠根矩沐德信咸以同窆爲

非實獲我心當從其議余按昌黎公李道古墓誌銘云其葬用古今禮以元配韋氏夫人祔而葬次配崔氏夫人於其域異墓意唐制繼娶不得同穴懿先娶張氏又娶李氏後娶劉氏崇故述遺令以混其不得合葬之迹耳不然合葬於防我夫子行之崇不於是乎法而焉法耶昔吾友繡水盛春谷嘗稱汪十三爲好學因書此於碑後而復之不知十三以爲何如也琴士趙紹



之正門播今昔之彙憲此天所曰不言而成化  
聖所曰有開而必先其若是也故夫子之道消  
息乎兩儀夫子之德經營乎三代豈徒小說蓋  
有異聞夫亨之者莫如天藉之者莫如地教之  
者莫如夫子且沐其亨而不識其道則不如勿  
闕荷其藉而不由其德則不如勿運固曰消息  
乎兩儀者也夫博之者莫如文約之者莫如禮  
行之者莫如夫子且會其文而不揚其業則不  
如勿傳經其禮而不啟其致則不如勿學上代

有呂焯序中代有呂宗師後代有呂丕訓故曰  
經營乎三代者也意虞舜之美不必至是贊而  
大者進聖君也夏桀之惡不必至是擠而毀者  
激庸主也伊尹之忠不必至是演而數者勉誠  
節也趙盾之逆不必至是抑而書者誅賊臣也  
至若論慈廣孝輔仁寵義職此之由於是君臣  
之位序父子之道明友朋之事興夫婦之倫得  
雖腹日開覺膏雨潤黷和風清扇安足喻哉借  
如九皇繼統而政醇七聖同季而道一雖事業

廣深闕理濟闕時夫闕薄遊大夫僻居下國德  
 敷既往言滿方來廟食列邦不假手於後續君  
 長萬葉畢歸心於素王若此之盛是以騰跨百  
 辟孤絕一人曷成名可稱取興為大者已我國  
 家儒教浹寓文思所天伸吏曹呂追尊建禮官  
 呂崇祀侯褒聖呂人爵尸莫亨於國庠是用大  
 起學流錫類孝行敦悅施於方國光覆彌於膺  
 宗三十五代孫嗣褒聖侯璉之字闕暉泊族賢  
 元亨等或專門碩儒岡墜于緒或餘波明進事

揚厥聲乃相與合闕謀曰夫虛墓之地禮曰自  
闕聽訟之樹詩云勿剪一則遇事遺愛一則感  
 物允懷故夫大聖烈風吾祖鴻美故國封闕舊  
 居川巒歟宜其棟神馳魄膝闕三陳齋祭首嚴  
 祠樹繚垣呂闕刊豐石呂為表兗州牧京兆  
 韋君元珪字闕王國周親人才懿德明啟風  
 續休有名教長史河南源晉賓字闕二貞操孤  
 興清節相遠納人呂德成俗於師司馬天水狄  
 光昭字子亮相門亨開雅道踵武聞義必立從

金石錄卷一  
事可行錄事叅軍東海徐仲連功曹成陽蓋寡  
疑倉曹太原王道淳宏農楊萬石戶曹博陵崔  
闕連宏農楊屨元兵曹太原王光超范陽張博  
望法曹安定皇甫恮東海于光彥主曹滎陽鄭  
璋叅軍事博陵崔調扶風竇光訓河東裴璿隴  
西李紹烈闕四儀博士南陽樊利貞曲阜縣令  
鴈門田思昭丞河南劉思廉主簿吳興施文蔚  
清河晏宏楷等宦序通德儒林秀主昇堂覩與  
遊聖欽風僉同闕成乃闕三其詞曰

元天陰隲大明虛鏡神不利淫物將與正凡曰  
投艱在此逢聖吞沙荐虛軒皇底定襄陵兆災  
大禹文命闕二失序夫子應聘刪詩述史盛禮  
闕樂雅頌穆闕訓詞昭灼片言一字勸美懲惡  
誘進後人啟明先覺六順勃興四維偕作元功  
濟古至道納來首出列聖闕卷羣才大名震闕  
廣學闕開蒸嘗闕寓誦習窮垓帝念居室以光  
壽宮建侯于嗣環封厥中孫謀不泯祖德斯崇  
乃刊盛烈亶廣休風



朝散大夫使持節渝州諸軍事守渝州刺史江  
夏李邕文正議大夫使持節宋州諸軍事守  
宋州刺史上柱國范陽張庭珪書  
大唐開元七季歲在己未十月乙酉朔十五日  
己亥建

舊唐書開元三年擢邕爲戶部郎中邕素  
與黃門侍郎張廷珪善時姜皎用事與廷  
珪謀引邕爲憲官事洩姚崇嫉邕險躁左  
遷括州司馬後徵爲陳州刺史此碑立於

開元七年繫銜使持節渝州諸軍事守渝

州刺史是邕先爲渝州後爲陳州而史不

載者是史闕也

邕又嘗爲海州見娑羅樹碑開元十一年立亦當在

爲陳州前新舊史皆不載碑文不甚損壞而以紙本糜

爛故遂多闕字後有同志可以補之碑張

廷珪八分書廷字作庭今雅雨堂所刊金

石錄目從史作廷以未見此碑故也嘉慶

六年十一月十日琴士趙紹祖識



